

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA ISHIRINI**

**KIKAO CHA ISHIRINI NA MOJA**

**05 JUNI, 2015**



# ORODHA YA SHUGHULI ZA LEO

---

## MKUTANO WA ISHIRINI

KIKAO CHA ISHIRINI NA MOJA – TAREHE 05 JUNI, 2015

### I. HATI ZA KUWASILISHA MEZANI:

#### WAZIRI WA NISHATI NA MADINI:

Randama za Makadirio ya Matumizi ya Wizara ya Nishati na Madini kwa Mwaka wa Fedha, 2015/2016.

#### WAZIRI WA MAJI:

Hotuba ya Bajeti ya Wizara ya Maji kwa Mwaka wa Fedha, 2015/2016.

#### MWENYEKITI WA KAMATI YA KILIMO, MIFUGO NA MAJI:

Taarifa ya Mwenyekiti wa Kamati ya Kilimo, Mifugo na Maji kuhusu utekelezaji wa majukumu ya Wizara ya Maji kwa Mwaka wa Fedha, 2014/2015 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha, 2015/2016.

## **MSEMAJI MKUU WA KAMBI YA UPINZANI JUU YA WIZARA YA MAJI:**

Taarifa ya Msemaji Mkuu wa Kambi ya Upinzani kuhusu Makadirio ya Matumizi ya fedha kwa Wizara ya Maji kwa Mwaka wa Fedha, 2015/2016.

### **II. MASWALI:**

#### **OFISI YA WAZIRI MKUU:**

#### **149. MHESHIMIWA GOSBERT BEGUMISA BLANDES (KARAGWE):**

Atamuuliza Mheshimiwa Waziri Mkuu:-  
Mwaka 2013 Mheshimiwa Rais aliahidi kuwapatia maji Wananchi wa Wilaya ya Karagwe kutoka Ziwa RAKAJUNJU lililopo Kata ya Bweranyange:-

Je, ni lini mradi huo utanza na kukamilika.

#### **150. MHESHIMIWA JOSEPH ROMAN SELASINI (ROMBO):**

Atamuuliza Mheshimiwa Waziri Mkuu:- Mji wa Rombo uko katika kijiji cha kelamfua hadi sasa:-

(a) Je, Serikali iko tayari kupandisha hadhi Mji huo ambao una vigezo vyote vinavyotakiwa kama vile hospitali,

mahakama, soko, idadi ya watu na kituo cha mabasi kuwa Mamlaka ya Mji Mdogo;

- (b) Je, Serikali itakuwa tayari kulipa fidia kwa wananchi ambao watalazimika kutoa mashamba yao ili kupanua eneo la Mji huo.

**WIZARA YA ELIMU NA MAFUNZO YA UFUNDI:**

**151. MHESHIMIWA NYAMBARI CHACHA NYANGWINE (TARIME):**

Atamuuliza Mheshimiwa Waziri wa Elimu na Mafunzo ya Ufundi:- Sera ya Elimu na Mafunzo ya Mwaka 2014 iliyozinduliwa na Mhe. Rais tarehe 13/2/2015 inaweza kuwa au isiwe mkombozi wa Elimu hapa nchini:-

- (a) Je, ni lini Sera hiyo itaanza kutumika rasmi;
- (b) Je, Serikali imefanya mapinduzi yapi ya kuifanya lugha ya Kiswahili kuwa lugha ya kufundishia viwango vyote vya elimu kwa mujibu wa sera hiyo;
- (c) Matumizi ya kitabu kimoja cha kiada kwa kila somo katika elimu ya msingi kwa mujibu wa sera hiyo ni tishio kwa waandishi na wachapishaji wa vitabu; Je, Serikali inawashauri nini wadau hao.



**152. MHESHIMIWA MKIWA ADAM KIMWANGA  
(VITI MAALUM):**

Atamuuliza Mheshimiwa Waziri wa Elimu na Mafunzo ya Ufundi:- Katika miaka ya 1985 hadi 1998 hivi, tulishuhudia idadi kubwa ya watoto wakitoka Tanzania kwenda nchini Kenya na Uganda kusoma elimu ya Msingi na Sekondari:-

Je, ni sababu gani zimesababisha kupungua kwa kiasi kikubwa kwa idadi ya wanafunzi wanaokwenda kusoma kwenye nchi hizo.

**WIZARA YA VIWANDA NA BIASHARA:**

**153. MHESHIMIWA ALBERT OBAMA  
NTABALIBA (MANYOVU):**

Atamuuliza Mheshimiwa Waziri wa Viwanda na Biashara:- Mpango wa kujenga masoko katika maeneo ya mpakani ulijumuisha pia ujenzi wa soko la Mnanila/ Buhigwe:-

- (a) Je, kwa nini Serikali inadharau Wananchi kwa kutotekeleza mradi huu;
- (b) Je, ni lini sasa Serikali itatekeleza mradi huo.

## **WIZARA YA KAZI NA AJIRA:**

### **154. MHESHIMIWA KURUTHUM JUMANNE MCHUCHULI (VITI MAALUM):**

Atamuuliza Mheshimiwa Waziri wa Kazi na Ajira:-

Je, Serikali italeti lini Mkataba namba 189 unaohusu kazi zenye Staha kwa Wafanyakazi wa Majumbani ili uridhiwe Bungeni.

## **WIZARA YA NISHATI NA MADINI:**

### **155. MHESHIMIWA SAID MOHAMED MTANDA (MCHINGA):**

Atamuuliza Mheshimiwa Waziri wa Nishati na Madini:- Mradi wa REA unaoendelea kutekelezwa kwenye Jimbo la Mchinga umeviacha vijiji vichache vya Matapwa, Ruvu, Dimba, Lihimilo, Mnyangara, Namkongo, Kiwawa na Mputwa ambavyo viko umbali wa mita chache kutoka eneo la mradi:-

- (a) Je, ni sababu ipi ya msingi iliyofanya vijiji hivi kuachwa;
- (b) Je, baada ya maombi haya Serikali itakuwa tayari kuvipatia umeme vijiji hivi.

## **WIZARA YA UCHUKUZI**

### **156. MHESHIMIWA ASSUMPTER MSHAMA (NKENGE):**

Atamuuliza Mheshimiwa Waziri wa Uchukuzi:- Mwaka 2010 Mhe. Rais katika kampeni za uchaguzi aliahidi ujenzi wa uwanja wa Ndege Omukafunguti na mpaka leo watu wamezuiliwa kulima katika maeneo yao wakiwa bado hawajalipwa fidia:-

- (a) Je, ni lini ahadi hiyo itatimizwa;
- (b) Watu waliozuiliwa kutumia maeneo yao watalipwa lini fidia zao.

## **WIZARA YA MALIASILI NA UTALII:**

### **157. MHESHIMIWA MODESTUS DICKSON KILUFI (MBARALI):**

Atamuuliza Mheshimiwa Waziri wa Maliasili na Utalii:-

- (a) Je, ni lini Serikali itaainisha mpaka kati ya wananchi wanapopakana na hifadhi mpya ya Ruaha Usangu National Park iliyokuwa Usangu game Reserve ili kuondoa migogoro ya mipaka kati ya TANAPA na wananchi;

(b) Je, Serikali itafuata makubaliano ya kutumia ramani ya awali kufuata makubaliano yaliyofikiwa kwenye kikao cha pamoja kati ya Kamati ya Bunge ya Maliasili na Utalii na Wataalam wa Wizara pamoja na Waziri wa Maliasili na Utalii ili kuwatendea haki wananchi wa Mbarali ambao wamekuwa wakilalamika kwa muda mrefu juu ya Serikali kuongeza ardhi nje ya eneo ambalo Serikali iliwalipa fidia.

**158. MHESHIMIWA CECILIA DANIEL PARESSO (VITI MAALUM):**

Atamuuliza Mheshimiwa Waziri wa Maliasili na Utalii:- Wilaya ya Karatu ina Hoteli 52 za kitalii zinazowahudumia wageni wanaotembelea Hifadhi ya Taifa ya Serengeti na Ngorongoro, lakini pamoja na uwepo wa hoteli hizo Halmashauri haipokei "Hotel Levy":-

Je, ni kwa nini Serikali imekataza Halmashauri isitoze kodi hiyo.



## **WIZARA YA AFYA NA USTAWI WA JAMII:**

### **159. MHESHIMIWA AMINA ANDREW CLEMENT (KOANI):**

Atamuuliza Mheshimiwa Waziri wa Afya na Ustawi wa Jamii:- Serikali inatambua kuwa mabati ya Asbestos ni hatari kwa afya ya binadamu kwa sababu unga unga unaomung'unyuka na maji yanayotiririka kwenye bati hizo husababisha cancer - Asbestosis:-

Je, kwa nini taasisi za Serikali bado zinatumia ofisi na nyumba za kuishi askari zilizoezekwa kwa bati hizo.

### **III. HOJA ZA SERIKALI:**

#### **WAZIRI WA MAJI:**

Kwamba, Bunge sasa likubali kujadili na kupitisha Makadirio ya Matumizi ya Wizara ya Maji kwa Mwaka wa Fedha 2015/2016.

**DODOMA  
05 JUNI, 2015**

**DKT. T. D. KASHILILAH  
KATIBU WA BUNGE**